

Jakoinra yoyo ati iketian katotabo 2015


Evaluación
Censal de
Estudiantes



shiribo-konibo

Jaskarabo Imiria ianman winokani



Moatianbironki Shipibo jonibaon Okaya paron itanribi mesko ianbaon yomeraonike, jatian Imiria ianman yomerai katinronki ipakanike raket. Ja ianman yomerai kaketian Amen Tamo jonibaon jato reteai ninkakataitian.

Westiora netenronki ika iki kikiankin noikana ranon, Imiria ianman yomerai kai. Jatian joyamabiresaitian masa shinanironki ika iki jawen tita neskati yoyo iki:

Moara Amen Tamo jonibaon yatanke. Jabo ikebetin sina ninkakataibo. Ninkakanwe jonibo, noa Shipibo riki yosma joniboma noara jan reteananti jawekiyaboribi iki, nokon bakepari ea benakini bokanwe.



Aibaon jaskaaronki ikana iki jonibo, atashai itaanan jaton ainboyabi Imiria ianman boi pamakaria nontibaon bochobaikani...


Amen Tamo jonibaonronki aka iki ian kexa iikin, icha jonibo nontin onsabeirani beai merak. Jaskataironki ikana iki piayabo repintiaian mani:



¿Tsoaborin mato?

Noa riki Shipibo jonibo, noara joke non wetsa manota benai. Maton jonea ixon noa pikoxonkanwe, maton pikoyamai nenoaxra rama noa reteanankanai.

Nonra tsoabi joneama iki. Jawekeska ikax itibetin nexbameran benota. Non ranonboribira manota iki, ikaxbi, reteananti iketian noa iti jaikan, matokishokora noa rakeyamai. Ironkia iki Amen Tamo jonibaon koshi.



Moa reteanantires ikanaibironki ika iki, westiora joni rateyoni ian napomeax sai iki.



¡Jeee, noa akinkanweee!

Ja sai ikaironki ika iki Amen Tamo ranon, ja benakanai Shipibo ranon yosmashoko itanribi xatebires meraxon bei.

Roninman biaibira nato joni en akinke. Noibatitaxra ike noa jabati.



Moa repintiaian mapexonronki aka iki Amen Tamo ranonman jato neskaakin, roninman biakayara ibirai yomerai kax jonibo manoti.



Jaskataxronki shipibo itanribi Amen Tamo jonibo, shinambo ponteax itanribi raeti joibo seneanyonax pepasanani rarokana iki.



Raroraroshamanan kirika tee atibo

1. ¿Jawekopiki moatian Shipibo jonibo Imiria ianman yomerai kayamapaoni?

2. Nato riki Imiria ianman jaskarabo winokani. Oinshamanxon, jaweratoparirin ixon 1 - 5 nomirobaon jakoankin onantiapakewe.

Shipibo itan Amen Tamo jonibo jakon joibo seneantanan pepasanankana iki.

Amen Tamo jonibaon jaton repintian icha jonibo nontin beai merakana iki.

Westiora Amen Tamo ranonman Shipibo ranon xatebires jawen nontin bea iki.

Shipibo jonibaon Imiria ianman kayamakin Okaya paronres yomerakana iki.


Shipibo itanribi Amen Tamo jonibaon ian naponbekonmeax joni sai ikai ninkakana iki.

3. Wishabo min yoyo akainko, ¿jawekeskarainoaxki Shipibo itan Amen Tamo jonibo rawianana iitibi moa jenekana iki?

4. Nato wishabo yoyo aka pekao, rabe bake neskati yoyo ibekona iki:



Jakomakin joibo ninkatax jonibo timanankanaibora en oinnabiribi jakomatani iki.



En oinnara jakon iki. Nokon yosinra ea yoiai, moatian jonibaon reteananxon jawekibo benxoapaokani.

¿Jawerato baken shinanbetanki min shinan jakon iki? ¿Jawekopi?

5. Rama nato historieta min yoyo aka, westiora cuento akin min kirikain wishawe. Tekiti iketian min shinamanbi tekibowe.